

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ  
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ

1513

ՈՐՈՇՈՒՄ թիվ 025535/06

ՎԱՐՉԱԿԱՆ ԻՐԱՎԱԽԱՆՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա. Մնացականյանս, քննելով թիվ 25535 վարույթը և կից նյութերը,

## ՊԱՐԶԵՑԻ

«Սիկոր» ՍՊԸ-ի /ՀՎՀՀ 00256809/ տնօրեն Արտակ Կորյունի Պողոսյանը /հասցե՝ ք. Երևան, Նազարբեկյան թղմ 15/47, անձն. տվյալներ՝ 011980158, ՀԾՀ՝ 1809730317/ «Հաշվապահական հաշվառման մասին» ՀՀ օրենքի 27-րդ հոդվածի 2-րդ մասով սահմանված ժամկետում չի հրապարակել 2020 թվականի տարեկան ֆինանսական հաշվետվությունը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169<sup>12</sup> հոդվածի 1-ին մասով:

Պատշաճ ծանուցված լինելով արձանագրության կազմման, գործի քննության վայրի և ժամանակի մասին, կողմը ներկայացրել է դիմում առ այն, որ համաձայն 2008թ-ի դեկտեմբերի 26-ի «Հաշվապահական հաշվառման մասին» ՀՀ օրենքում փոփոխություններ և լրացումներ կատարելու մասին» օրենքի՝ 26.12.08 ՀՕ-226-Ն, ուժը կորցրած է ճանաչվել հոդված 21-ի դրույթները՝ պետական մարմին ֆինանսական հաշվետվությունների կազմման և ներկայացման պահանջը:

Անդրադառնալով առարկությանը՝ հարկ է նշել, որ «Հաշվապահական հաշվառման մասին» ՀՕ-515-Ն օրենքը, որում կողմի նշած 26.12.08 ՀՕ-226-Ն օրենքով կատարվել են փոփոխություններ, ուժը կորցրած է ճանաչվել 01.01.2020թ-ին՝ 04.12.19 ՀՕ-282-Ն օրենքի համաձայն: Միևնույն ժամանակ՝ «Հաշվապահական հաշվառման մասին» գործող՝ 04.12.19 ՀՕ-282-Ն ՀՀ օրենքի 27-րդ հոդվածի 2-րդ մասի համաձայն՝ կազմակերպությունը և խումբը, որոնց տարեկան ֆինանսական հաշվետվությունները ենթակա են հրապարակման, պարտավոր են դրանք հրապարակել մինչև հաշվետու տարվան հաջորդող տարվա հունիսի 30-ը: Նույն օրենքի նույն հոդվածի 3-րդ մասի համաձայն՝ գրավատնային գործունեություն իրականացնող կազմակերպությունները իրենց ֆինանսական հաշվետվությունները հրապարակում են «Գրավատների և գրավատնային գործունեության մասին» ՀՀ օրենքով սահմանված կարգով և ժամկետներում: «Գրավատների և գրավատնային գործունեության մասին» ՀՀ օրենքի 15-րդ հոդվածի 1-ին մասի գ) կետի համաձայն՝ գրավատնային գործունեություն իրականացնող անձինք լիազոր մարմին են ներկայացնում հաշվապահական հաշվառման օրենսդրությանը համապատասխան պետական մարմիններ ներկայացվող իրենց տարեկան ֆինանսական հաշվետվություններ և դրանց վերաբերյալ անկախ աուդիտորական եզրակացություն՝ մինչև հաշվետու տարվան հաջորդող տարվա ապրիլի 30-ը: Միաժամանակ, նույն հոդվածի 3-րդ մասի համաձայն՝ վերոնշյալ ենթակետով սահմանված հաշվետվությունները հրապարակվում են առնվազն 1000 տպաքանակ ունեցող մամուլում:

Վերոգրյալից հետևում է, որ գրավատնային գործունեություն իրականացնող կազմակերպությունների ֆինանսական հաշվետվությունները և դրանց վերաբերյալ անկախ աուդիտորական եզրակացությունը ենթակա են պարտադիր հրապարակման՝ անկախ որևէ պետական մարմին դրանց ներկայացնելու պարտադիր պահանջի առկայությունից:

Վարչական վարույթի շրջանակներում կատարված լրացուցիչ ուսումնասիրության արդյունքում հայտնի է դարձել նաև, որ ՀՀ Կենտրոնական բանկը ֆինանսական համակարգի կարգավորման վարչության 14.03.2011թ-ի գրությամբ իրազեկել է գրավատնային գործունեություն իրականացնող կազմակերպություններին այն մասին, որ «Շահութահարկի մասին» ՀՀ օրենքում 2010թ-ին կատարված փոփոխություններից ելնելով գրավատները ազատվել են ֆինանսական հաշվետվությունները և դրանց վերաբերյալ անկախ աուդիտի եզրակացությունները ՀՀ Կենտրոնական բանկ ներկայացնելու, ինչպես նաև դրանք հրապարակելու պարտականությունից:

Վերոնշվածի կապակցությամբ հարկ է նշել, որ ՀՀ Կենտրոնական բանկի ֆինանսական համակարգի կարգավորման վարչության 14.03.2011թ-ի գրությամբ հղում է կատարվել «Շահութահարկի մասին» ՀՀ օրենքի դրույթներին, որոնք ուժը կորցրել են 04.10.16 ՀՕ-165-Ն օրենքի 445-րդ հոդվածի 1-ին մասի 4-րդ կետի համաձայն, իսկ «Հաշվապահական հաշվառման մասին» ՀՀ գործող օրենքն ընդունվել է 04.12.2019թ-ին և ուժի մեջ է մտել 01.01.2020թ-ին:

Արդյունքում, ստացվում է մի իրավիճակ, երբ գրավատնային գործունեություն իրականացնող կազմակերպությունների ղեկավարները վստահել են իրենց լիազոր մարմնի՝ ՀՀ Կենտրոնական բանկի գրությանը և չեն ներկայացրել ու չեն հրապարակել ֆինանսական հաշվետվությունները, իսկ մյուս կողմից ՀՀ գործող օրենսդրական կարգավորումները պահանջում են ֆինանսական հաշվետվությունների ներկայացում և հրապարակում:

Վերոնշված իրավանորմերի պահանջից հետևում է, որ «Սիկոր» ՍՊԸ-ի տնօրեն Արտակ Պողոսյանը կրում է ֆինանսական հաշվետվությունը հրապարակելու պարտավորություն, սակայն նշված պարտավորությունը չի կատարվել ՀՀ Կենտրոնական բանկի՝ «Գրավատների և գրավատնային գործունեության մասին» ՀՀ օրենքով սահմանված գրավատնային գործունեությունը լիցենզավորող և վերահսկող մարմնի ցուցումի համաձայն: Այսինքն, տվյալ դեպքում իրավախատումը կատարելու մեջ բացակայում է տվյալ անձի մեղավորությունը:

Հաշվի առնելով ամբողջ վերոգրյալը, վարչական մարմինը գտնում է, որ սույն գործով բացակայում է վարչական իրավախախտման կազմը:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 244<sup>2</sup>, 247 հոդվածի 1-ին մասով, 281 հոդվածներով և 282 հոդվածի 2-րդ կետով՝

#### ՈՐՈՇԵՑԻ

Կարճել Արտակ Կորյունի Պողոսյանի վերաբերյալ հարուցված լիցենզիայի գործի վարույթը:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

*Handwritten signature*



Ա. ԱՆԱՏԱԿԱՆՅԱՆ